

**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ՕՐՀՆՈՒԹՅԱՆ ԳԻՐԸ ԳՈՒԳԱՐՔԻ ԹԵՄԻ ԱՌԱՋՆՈՐԴ
ԳԵՐԱՇՆՈՐՀ Տ. ՍԵՊՈՒՀ ԵՊԻՍԿՈՊՈՍ ՉՈՒԼՋՅԱՆԻՆ՝
ԻՋԵՎԱՆԻ Ս. ՆԵՐՍԵՍ ՇՆՈՐՀԱԼԻ ԵԿԵՂԵՑՈՒ
ՕԾՄԱՆ ԱՌԹԻՎ**

**ՍԻՐԵՅԵԱԼ ՈՐԴԻՈՑ ՄԵՐՈՒՄ ԵՒ ՀԱՐԱՋԱՏԻՆ
ՄԱՅՐ ԱԹՈՌՈՑ ՍՐԲՈՑ ԷՋՄԻԱՇՆԻ
ԳԵՐՇ. Տ. ՍԵՊՈՒՀ ԵՊԻՍԿՈՊՈՍ ՉՈՒԼՋԵԱՆԻՆ
ԱՌԱՋՆՈՐԴԻՆ ԳՈՒԳԱՐԱՅ ԹԵՄԻ
ՈՐ Ի ՎԱՆԱՉՈՐ, Ի ՄԱՅՐ ՀԱՅԱՍՏԱՆ**

Մի նոր էջ է բացում Ձեր Թեմի ներկայ ժամանակների պատմության մէջ: Մի լուսաւոր էջ, որտեղ Քրիստոսի սուրբ հաւատքը, մեր Հայց. Առաքելական եկեղեցու Հայրերի աւանդութեամբ թրծուց թափանցում է մի անգամ լսւ Գուգարաց Թեմի սիրեցեալ և հաւատացեալ ժողովրդի կեանքում, իջեան քաղաքում Ս. Ներսէս Շնորհալի անուամբ նորակառոյց եկեղեցու ծածան հոգելից և հոգեշէն առիթով:

Մեր ուրախութիւնը անսահման է, քայց ոչ անխառն: Մի կողմից հրնւում ենք տեսնելով քրիստոնէական հաւատքի վերակենդանացումը և վերածաղկումը Ձեր Թեմի մէջ և, միւս կողմից, ցաւում ենք որ գոտ առողջական պատճառներով հեռու լինելով Մայր Հայաստանից և Մայր Աթոռ Ս. Էջմիածնից չենք կարողանայ անձնական ներկայութեամբ վայելել Ձեր, Թեմական իշխանութեան և հոգևորական դասու ու հաւատացեալ ժողովրդի հոգևոր անցկարացրելի ցնծութիւնը:

Ձգում ենք որ այդ նորաշէն եկեղեցին պիտի դառնայ մի մշտահոս սղբիւր հոգևոր բարիքների մեր ժողովրդի անհատական, ընտանեկան և ազգային կեանքում: Այնտեղ Աստծու շնորհը Ս. Խորհուրդների կատարմամբ պիտի ծաւալուի մեր ժողովրդի կեանքի առուակների մէջ: Այնտեղ Աստծու խօսքը Աւետարանի քարգոյրեամբ պիտի դառնայ հոգևոր և բարոյական զօրացման և հարստացման մղիչ ոյժ: Նոր շումջ պիտի մտնի յատկապէս մեր երիտասարդ և մատղաշ սերնդի կեանքում: Եկեղեցու նկերեղէն շինութիւնը պիտի պսակուի մեր ժողովրդի, հոգևոր և բարոյական շինութեան գերազանց արժէքներով:

Հայրապետական բարձրագոյն աստիճանի գնահատական Մեր խօսքն ենք ուղղում եկեղեցու բարեբարների՝ բարեպաշտ և ազնուաւեռօք Տէր և Տիկին Գէորգ և Պերնուհի Ներսէսեանցներին, որոնք իրենց սէրը յայտնեցին այդպիսի պերճախօս և գործնական ձևով ստանձնելով նւթական միջոցները եկեղեցու կառուցման: Աղօթում ենք որ Բարձրալոյս Աստուած նրանց շնորհի երկար կեանք առողջութեան և երջանկութեան բարիքներով առնչուց:

Մեր հայրական գնահատանքի խօսքը նաև Գանատայի Հայոց Առաջնորդ՝ Գերշ. Տ. Յովնան Արքեպիսկոպոս Տէրութեանին, որ մեծ դեր կատարեց այս առտուածահանոյ և ազգաշէն գործի իրականացման համար:

Մեր գնահատանքը Ձեզի որպէս ժրջան Առաջնորդի Գուգարաց վիճակի, Ձեր շուրջ բոլորուած հոգևորականներին և Թեմական Խորհրդի անդամներին և բոլոր քաղաքային իշխանութեանց քերկայացուցիչներին, որոնք սատար հանդիսացան այս զգտաշատ և քրախտարժան գործին:

Սիրելիք, եկեղեցու շինութեան բուն գործը սկսոււմ է հիմա: Շէնքը պէտք է շնչաւորել ամէն կիրակի և տօնական օրերին Ա. Պատարագ մատուցելով, աղօթք ընծայելով և Աստծու խօսքին ունկնդիր մնալով: Եկեղեցին իր իսկութեանը մէջ եկեղեցի կը լինի քր ճեր կհանքը միախառնուի եկեղեցու կեանքին:

Յուսալով մօտաւոր ապագային անձամբ այցելել և Մեր խօսքը ուղղել Ձեզի և հաւատացեալներին:

Մնամք հայրական սիրոյ ջերմ ողջունիւ,

Աղօթարար՝

ԳԱՐԵԳԻՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ Օրհնութեան Գիրս

ի 18 Յուլիս 1998

ի Մայրավանս Արրոյ Էջմիածնի

Ընդ համարու է/131